

Ad libros controversos seu ἀντιλεγομένους pertinent « Sapientia Salomonis, Sapientia Sirach, Esther, Iudith, et Tobias. Cum his etiam numerantur sequentes: Machabaeorum libri quatuor, Ptolomaici, Psalmi et canticum Salomonis, Susanna. Hi sunt libri controversi V. T. » Sequitur classis apocryphorum, inter quos sunt « libri Sophoniae prophetae, Zachariae patris Ioannis, Baruch, Habacuc, Ezechiel, Daniel false inscripti » (ψευδεπιγραφα) (1).

Gregorius Naz. et *Amphilochius*, si carmen ad Seleuncum Amphilochii est et non etiam ipsum Gregorii, monent imprimis sicut Athanasius et auctor *Synopsis*, catalogum ss. librorum se designare, ut fideles ab apocryphis sibi caveant, librorum inquam, quos in canone esse iam certo constet. Ita Gregorius: « ne peregrinis libris decipiaris mente; sunt enim multa prava figura sub falsis inscriptionibus, accipe, amice, hunc a me numerum librorum, qui definito iudicio inserti sunt » ταῦτα ἐκριτοῦ ἀριθμοῦ. Numerat eosdem 22, quos Athanasius, omittens et ipsi librum Esther, et in N. T. recensem omnes omissa Apocalypsi. Tum concludit: « habet omnes; si quid extra hos est, non est in genuinis Scripturis » (οὐκ ἐν γνησίαις). In carmine ad Seleuc. eadem est Scripturarum numeratio; liber Esther vero dicitur ponit a quibusdam in canone ut certus, τινὲς προσεγγίζονται; in libris N. T. indicatur controversia de epp. Heb. 2. Pet. 2. et 3. Io. Ind. et de Apocalypsi; epistola vero Iacobi numeratur inter Scripturas divinitatis. Conclusio: « hic certissimum fuerit canon Scripturarum divinitus inspiratarum » οὗτος ἀψεύδεστατος κανων ἡ εἰν των θεοπνευστων γραφων.

Cyrillus Hieros. eodem prorsus modo ut Patres hactenus commemorati, haec duo significat, videlicet in recensendo catalogo librorum sacrorum scopum sibi esse praefixum prenumendi catechumenos ab apocryphis, nec alias numerandi quam libros unanimi consensu ab omnibus admissos. « Stu-

(1) Patet per se, libros Susannae, Baruch etc. hic memoratos diversos esse a genuinis, quos supra posuit inter canonicos. Liber Baruch apocryphus syriace existat in Polyglottis Parisiensibus et Londinensis (T. IV.) sub nomine *Epistolae primae*.

diose ab ipsa Ecclesia dicte, qui sint veteris Testimenti libri, qui vero novi; nec quidquam apocryphorum legas. Qui nescis, quae apud omnes in confessu sunt, quid circa dubia frustra laboras (1)? Lege divinas Scripturas, illos 22 libros V. T. a LXXII interpretibus translatos... Horum 22 libros lege, cum apocryphis autem nihil habeo commune. Hos solos studiose meditate, quos etiam in Ecclesia cum certa fide (μετα παῤῥησίᾳ) legimus. Multo prudentiores et religiosiores te erant Apostoli et veteres Episcopi, Ecclesiae praesides, qui eos tradiderunt. Tu ergo, Ecclesiae filius cum sis, ne transponas terminos. » Sequitur recensio librorum V. T. secundum numerandi modum Hebraeorum; cum Ieremia vero ut librum unum ponit « Baruch und Lamentationes et epistolam, » sicut ab Athanasio factum esse videntur. Esther numerat inter 22 canonicos, et ideo ad numerum servandum iungit Ruth cum Iudic. in unum. In N. T. ponit omnes excepta Apocalypsi. Concludit: « reliqua omnia extra sunt in secundo loco, et quae in Ecclesia non leguntur, ea neque privatum legas, sicut iam audisti. » Indicat videlicet Cyrus, quod ali Patres illius actatis distincte docent, tres esse ordines librorum, primo loco 22 ex canone Hebraeorum, secundo loco alios libros *legendos*, tertio apocryphos, qui in Ecclesia non leguntur, nec privatum legendi sunt. Quod ait editor Opp. Cyrilli Tontée, in secundo loco ἐν δευτερῳ idem esse ac in nullo loco, tum per se absurdum est nec ullo modo exemplis ab eo allatis probatur, tum repugnat doctrinae omnium Patrum illius actatis ac praxi omnium Ecclesiarum et ipsius Cyrilli sententiae, qui libris extra numerum 22 positis tamquam Scriptura sacra uitior in hoc ipso catechesone opere (vide p. 412).

Hieronymus in Prologo galeato recenset solos libros V. T. qui adhuc exstant in hebreo textu, quos omnes in latinum vertendi tum iam consilium inierat. *His itaque libris qui hebreice supersunt*, iste prologus, inquit, est a velut galeatum principium, ut scire valeamus, *quidquid extra hos est, inter apocrypha esse ponendum*. Igitur Sapien-

(1) Ο γὰρ τα πάρα πολλα ὑπελόγουμενα μη ἀδεια, τι ποτὶ τα ἡμίγια λόγουν ταττιπορεις ματην.

tia quae vulgo Salomonis inscribitur, et Iesu filii Sirach liber, et Iudith et Tobias et Pastor (1) non sunt in canone. Machabaeorum 1^o. librum hebraicum reperi; 2^o. graecus est, quod ex ipsa quoque pharsi probari potest. Quae cum ita se habeant, obsecro te lector, ne labore meum reprehensionem existimes antiquorum. » Qui igitur libri inter hebraicas Scripturas et in censione etiam Hebraeorum reperiuntur, dicuntur a s. Hieronymo esse in canone; qui vero in usu quidem sunt ecclesiastico sed extra illum numerum, dicuntur *apocryphi* non absolute, sed *prae illo canone* h. e. in illo numero non comprehensi. Hoc sensu relativo ad canonom librorum, qui admittantur etiam ab Hebraeis et nullibi vocentur in dubium, nomen *apocryphi* h. l. intelligi debere, patet tum ex contextu tum ex addita monitione, ne quis hunc laborem quo solos libros hebraicos verit, reprehensionem existimet antiquorum. His namque verbis satis indicatur, penes Christianos inde a prima antiquitate istud inter libros disserim non fuisse agnatum. Patet deinde idem evidenter ex modo, quo ipse Hieronymus utitur libris extra Iudeorum canonen positis (p.413.sq.), postremo ex diserta attestatione, qua s. doctor ipse hos libros in usu Ecclesiae christianae fuisse, confirmat in prologo ad libros Salomonis.

Hoc in prologo ad II. Salom. simul *prae oculis* habet canonem Iudeorum et usum Ecclesiae, atque inter utrumque discrepantium conciliare conatur. Postquam indicavit libros Ecclesiastici et Sapientiae inter Hebraeorum Scripturas non admitti, haec subjicit. » Sicut ergo Iudith et Tobiae

(1) Quod nomine Pastoris Hieronymus non opus notissimum Hermae sed librum iudeum nemini auditum indicaverit, aut pro voce *Pastor* legendum sit *Philopator* et intelligatur 3^o Machabaeorum, haec nihil sunt; quod in codice Urbinate nomen *Pastor* omittitur, communum quidem sed vix probabile argumentum. Nihil succurrat melius, quam quod Hieronymus aliud agens inter dubios libros V. T. voluerit etiam obliter monere de hoc opere N. T. a nonnullis vetustis PP. citato sub nomine Scripturae.

Ridiculum est, quod legitur apud Iohannem Sarisburensem (ep. 172. Bibl. Max. T. XXIII. p. 468.), ubi *Ieremias et B.* (Barnich) dicuntur vidisse et leguisse librum Pastoris!!; qui ergo fuisset liber V. T. Sed probabiliter pro Ieremias et B. legendum *Jeronymus et Beda*.

et Machabaeorum libros legit quidem Ecclesia, sed eos inter canonicas Scripturas non recipit; sic et haec duo volumina legat ad aedificationem plebis, non ad auctoritatem ecclesiasticorum dogmatum confirmandam. Si cui sane LXX interpretum magis editio placet, habet eam a nobis olim emendatam; neque enim nova sic crudimus, ut vetera destruamus. » Videlicet hos omnes libros habet Ecclesia in sua lectio, siquidem omnes accepit sibi traditos in editione ecclesiastica graeca Alexandrina; non tamen accepit eos in illo canone, qui hebraicas tantum Scripturas complectitur. Porro ex hoc ipso librorum defectu in canone hebraicarum Scripturarum de pari illorum auctoritate apud quosdam tam temporis quaestiones ortae erant; unde Hieronymus (Prolog. in II. Salom. iuxta LXX. T. X. p. 436) eos appellat *libros dubios* in comparatione eum certis, quales erant Scripturae hebraicae. » In Sap. et Ecclesi. calamo temperavi, inquit, tantummodo canonicas Scripturas vobis emendare desiderans, et studium meum certis magis quam dubiis commendare. » Hinc factum est, ut non ubique et apud omnes pari confidentia adferri potuerint ad auctoritatem ecclesiasticorum dogmatum confirmandam. Ipsomet Augustinus qui certe hos omnes libros habuit in canone Ecclesiae Africanae, fatetur tamen quaestione nondum plene liquida, « *adversus contradictores* non tanta firmitate proferri, quae scripta non sunt in canone Iudeorum. » Civ. Dei XVII. c. 20. n. 1; idque fatetur simul attestans, libros eosdem « ab Ecclesia maxime occidentali antiquitus in auctoritatem recipi meruisse. »

Ex dictis clarum est, longe diverso sensu libros *apocryphos* appellari ab Hieronymo in Prologo galeato quam in aliis locis pluribus, ubi apocryphas Scripturas plane repudiatur. Quando in Prologo ad Matth. T. VII. p. 6. appellat « apocryphorum naenias mortuis magis haereticis quam ecclesiasticis vivis canendas, » agit de apocryphis Evangeliorum; quando in Is. LXIV. 4. T. IV. p. 761. et contr. Rufin. I. II. n. 25. T. II. p. 619. praecepit: « apocryphorum deliramenta conticent, » respicit apocryphos libros, quales erant « Ascensio Isaiae » et « Apocalypsis Eliae. »

Simili modo loquitur de Pseudo-Esdra in Prolog. in Esdr. et contr. Vigilant. n. 7; de Evangelio Iacobi contr. Helvid. n. 8; de apocryphis libris nomine Patriarcharum et Prophetarum inscriptis contr. Rufin. T. II. p. 523; contr. Vigilant. l. c.; in Eph. V. 30. T. VII. p. 659. Plane ergo erravit, qui has omnes apocryphorum reprehensiones ad illa etiam pertinere dixit, quae in Prologo galeato apocrypha nominantur (Folia trimestr. Tubing. 1839. p. 291).

Vides apud s. Hieronymum eo fere modo, quo apud alios Patres huius aetatis et sententiae, distingui tres librorum classes: eorum qui sunt in canone hebraico et omnibus certi; eorum qui leguntur suntque in usu ecclesiastico, sed non sunt in canone hebraico, atque ex hac ratione dubii et *prae canonice hebraico apocryphi*; postremo eorum qui certo ad Scripturas non pertinent, sed sunt apocryphi repudiandi.

Rufinus eadem habet, quae Patres gracie paulo ante citati et quae Hieronymus. Primum ait, velle se enumerare « novi ac veteris Testamenti volumina, quae secundum maiorum Traditionem per ipsum Spiritum Sanctum inspirata creduntur et Ecclesiis Christi tradita; » quae quidem sententia praefixa enumerationi *duplicis ordinis* librorum Ecclesiae traditorum videtur omnino pertinere ad illum utrumque ordinem. Sequitur catalogus protocanonicorum V. T. et nullo dempta omnium librorum N. T. cum conclusione: « Haeec sunt, quae Patres intra canonem concluserunt, et ex quibus fidei nostrae assertiones constare voluerunt. » Patres hic appellati non possunt esse ali praeter eos IV. saeculi, quos nominavimus. Prosequitur Rufinus: « Scindum tamen est, quod et alii libri sunt, qui non canonici sed *ecclesiastici* a maioribus appellati sunt, id est Sapientia quae dicitur Salomonis, et alia Sapientia quae dicitur filii Sirah... Eiusdem vero ordinis libellus est Tobiae, et Iudith et Machabaeorum libri..... Quae omnia legi quidem in Ecclesiis voluerunt, non tamen proferri ad auctoritatem ex his fidei confirmandam. Ceteras vero scripturas *apocryphas* nominant, quas in Ecclesiis legi noluerunt. »

Ubina ante Rufinum libri controversia a maioribus frerint « *ecclesiastici* » appellati hoc expresso nomine ad distin-

ctionem a libris canoniciis et extra controversiam positis, non apparet. Videtur Rufinus *prae oculis* habuisse distinctionem Eusebii scriptoris ipsi notissimi, cuius historiam verterat in latinum; ex Eusebio ergo declaratio huins appellationis petenda est. Is autem distinguit Scripturas canonicas quae numquam in controversiam vocatae sunt, et Scripturas de quibus a nonnullis dubitatur, quae tamen « *in plerisque Ecclesiis sunt publicae*, » « *quae plerisque sunt probatae*, » quae « *plerisque ecclesiasticorum virorum sunt cognitae* » Euseb. H. E. I. III. cc. 25. 31. Redit ergo distinctio Rufini in libros *canonicos* et *ecclesiasticos* ad illam alteram in libros ἑκλογῶντας, de quibus nulla umquam erat dubitatio, et in libros ἀπτελεγμάτων, qui licet in usu essent publico tamquam Scriptura sacra, a quibusdam tamen in questionem vocabantur.

Reliqui sunt duo canones *Laodicenus LX.* et *ultimus inter apostolicos*. Laodicenus sive sit genuinus huins Concilii celebrati post medium saeculum IV. sive sit ei suppositus (1), nihil differt ab iis, quae ex aliis græcis PP. huins aetatis adtulimus. Primum scilicet severe proscribunt libri apocryphi; tum recensentur libri, « quos legi oportet veteris Testamenti » 22 secundum numerationem hebraicam. lungit autem, ut apud Athanasium et Cyrillum fieri vidimus, uno libro cum Ieremia « Baruch et Threnos et epistolas. » In N. T. concors cum Gregorio Naz. et Cyrillo Hierosol. recenset omnes excepta Apocalypsi.

(1) Ratio qua plures vetustiores et recentiores eruditii hunc canonom non genuinum esse putant, una fere est, quod collectores canonum saeculo VI, Dionysius Exiguus, Martinus Bracarenensis, et inter Græcos Iohannes Antiochenus canones alios quidem huins Concilii, non tamen hunc 60^{um} suscepserunt in suas collectiones. Quod vero aliqui appellant ad vetustos græcos codices, qui habeant solum 59. canones Laodicenos, fallax est; in illis enim colliebus ut etiam in Nomocanone Photii (Mai Spicil. Rom. T. VII. P. II. p. 181.) ponuntur 59^{um}. et 60^{um}. ambo sub uno numero (Hefele Hist. Conc. T. I. p. 750.). Porro plures eruditii hoc Concilium ab Arianis Episcopis celebratum dicant, et Theodosium Arianum existimant potissimum auctorem canonum, qui tamen deinceps, ad disciplinam quod pertinet, ab Ecclesia sint adoptati (Pagii Critica ad Annal. Baronii anno 314. n. 25. Opp. Baronii T. III. p. 587.)

Ultimus inter sic dictos canones apostolicos et, ut recentiores eruditii consentiunt, additus reliquis etiam tempore novissimus, nullius est auctoritatis non solum dogmaticae sed etiam historice spectatus. Non habet auctoritatem dogmaticam; imprimis enim canones hi apostolici si minus a Gelasio certe ab Hormisdas Pontifice (Decret. de libris recipiendis) recensiti sunt inter libros apocryphos. Praeterea quamvis quinquaginta priores a Dionysio Exiguo latinitate donati paulatim etiam in occidentali Ecclesia fuerint suscepti, posteriores tamen 35 numquam admissi sunt. Nullius est auctoritatis historice, saltem si accipiatur ut recensio librorum sacrae Scripturae, multo magis si intelligatur ut recensio plena. Sunt enim in hoc canone multa prorsus singularia, quae in nullo alio ss. librorum catalogo umquam visa, huius auctoris, quisquis fuerit, specialibus adiunctis vel singulari ingenio tribui debent. Huiusmodi sunt, quod licet omittat alios libros deuterocanonicos V. T., tamen ponit tres libros Machabaeorum, et secundum quosdam codices etiam Iudith in mediis libris protocanonicis; quod extra numerum protocanonicorum, ubi alii deuterocanonicos ponunt inter libros legendos, ipse memorat solum librum Ecclesiastici omittens etiam I. Sapientiae, licentia inaudita. Omnium vero alienissimum est, quod inter libros N. T. idque ante librum protocanonicum Actuum ponit duas epistolas Clementis et octo libros Constitutionum apostolicarum.

Ceterum ipsi Graeci, qui hunc etiam canonem in suo Concilio Trullano suscepserunt velut ab Apostolis proiectum, videntur illum intellexisse non ut recensionem librorum solius divinae Scripturae, sed ut catalogum librorum, qui sive ex libris Scripturae sive ex aliis maximaee auctoritatis commendentur prae reliquis ad lectionem; certe numquam eum habuerunt ut canonem plenum librorum Scripturae. Nam non solum in ipso Trullano suscepserunt ex synodis Africanis libros, qui in hoc canone apostolico praetereruntur (supra p. 435); sed etiam diserte reiecerunt Constitutiones apostolicas velut interpolatas ab haereticis, et neque has neque epistolas Clementis Ecclesia graeca umquam habuit velut partes Scripturae sacrae.

II. Expositis omnibus divergentibus catalogis librorum penes doctores orientales illius temporis, qui catalogi nec inter se consentiunt, nec cum canone Ecclesiae occidentalis nec cum usu communi totius Ecclesiae convenient; nunc deum opportunitas imo et necessitas nobis oritur hos canones deficientes comparandi cum constanti praxi totius Ecclesiae, non exceptis his ipsis doctoribus, in usu ss. librorum, pariterque cum unanimi doctrina Ecclesiae occidentalis et cum subsequente universalis consensu. Ex hac enim comparatione consequentur certa principia, sine quibus verus sensus eorundem canonum divergentium intelligi et vindicari non potest.

1^o *Principium.* Nomine *canonis* et nomine *canonicorum librorum* intellexerunt Patres illi indicem eorum librorum et eos libros 22 Hebraeorum, qui etiam tum *apud omnes in confesso* erant, et de quibus nulla erat mota quæstio (*κυριελεγεντος*). Unde libri, qui tum in controversiam vocari coepérant (*ζητητουσιν*), erant quidem *extra canonem* collocandi eo sensu intellectum; at non ideo simpliciter negabatur, eos pertinere ad divinam Scripturam; sed tantum indicabantur de iis motam esse quæstionem, ac proinde eos non pertinere ad libros, de quorum pari cum ceteris auctoritate apud omnes citra controversiam constaret (1).

(1) Si opus est, denuo monemus, nequaquam nos sequi sententiam manifeste falsam eorum, qui totam difficultatem facili negotio expediri posse existimat dicendo, Patres non Christianorum sed Iudeorum canonem recensuerunt. Si Melitonem, Origenem, Epiphanius, Hilarium initio memoratos, Leontium et Damascenum, de quibus mox dicemus, expicias; Patres reliqui a nobis citati recensuerunt certissime canonem Christianorum et pro Christianis, ut ex contextibus evidenter constat. Sed in ipsis Scripturis sacris Christianorum distinxerunt duas classes, a) librorum qui absque controversia ab omnibus Christianis admitterentur ut s. Scriptura, et horum complexum appellabant *canonem*, i. e. catalogum Scripturarum extra controversiam. Quamvis vero hi libri (saltet maximam partem) sint iidem, qui admittuntur etiam a Iudeis, et immo ipsa distinctio in duas classes ortum habuerit ex comparatione Scripturarum Ecclesiae cum catalogo Iudeis; non tamen ideo PP. recentent canonem Iudeorum aut pro Iudeis. Quomodo enim loquentes de Iudeorum sententia appellarunt ad Traditionem Apostolorum, ad auctoritatem Ecclesiae et Patrum antecedentium, quibus argumentis ipsi confirmant

Hic sensus canonum probatur multipliciter. Nam a) Eusebius qui ceteris expressius sensum divisionis librorum in ὁμολογουμένοις et ἀντιλεγομένοις declaravit, et post quem ceteri illam divisionem secuti sunt, synonyma habet haec duo, liber esse *canonicum* vel esse *in confessio apud omnes*; pariterque liberum esse *extra canonem*, et esse probatum quidem et agnatum a multis sed tamen a nonnullis in *controversiam vocatum*. Ita l. III. c. 3. promittit testimonium veterum « de Scripturis, quae *canonicæ et in confessio sunt apud omnes* » (περὶ τῶν ἐνδιαθέτων καὶ ὁμολογουμένων γράφων); ibidem epistolam 2 Petri dicit « non *canonicam*, quae tamen utilis visa multis cum ceteris *Scripturis frequentatur*; » l. III. c. 25. invicem opponit « *Scripturas in confessio apud omnes*, et alias non *canonicas quibus contradicuntur*, sed *quaes nichilominus a plerisque ecclesiasticorum virorum sunt agnitas*; » ibidem memorat *Scripturas quibus contradicuntur*, sed *quaes tamen probatae sunt plerisque* » cf. c. 31. Contra vero libri *apocryphi* ib. c. 3. sunt scripta, « *quaes omnino non novimus in catholicis tradita* » ὡς οἱ πολὺ εἰς καθολικοὺς παραδίδομεν.

b) Nomina *canon* et *canonica* *Scriptura* etiam a Patribus latinis illa aetate usurpari consuevisse strictiori significatione de libris qui sunt in canone hebraico, quin ideo alii libris auctoritas canonica apud Christianos negari intelligeretur, manifestum est ex s. Augustino Civ. Dei XVIII. c. 36. « Restituto templo, inquit, non reges sed principes fuerunt usque ad Aristobolum, quorum supputatio tempo-

canonem, quem recensent librorum extra controversiam seu τον ὁμολογουμένων? Quomodo in canone Iudaeorum poserent libros N. T. quos adnumerarent? b) Praeter hos libros in *canone* h. e. in catalogo *indubitatōrum* positos enumerant alias *Scripturas Christianorum*, quibus a nonnullis contradicuntur, seu *quaes sunt libri ἀντιλεγομένοι*. Verum est, hos esse libros qui desunt in canone Iudaeorum, et inde repeti primaria originea controversiae inter ipsos Christianos; at non propterea appellantur libri *controversi* (ἀντιλεγομένοι), quia Iudei eis contradicunt; sed erant controversi, quatenus aliqui doctores Christiani de iis dubitabant, atque ideo numerabantur *extra canonem* h. e. extra catalogum *indubitatōrum*, non autem solum *extra canonem Iudaicum*, de quo isti Patres non erant solliciti.

rum non in *Scripturis sanctis*, quae *canonicæ appellantur*, sed in aliis invenitur, in quibus sunt et *Machabaeorum libri*, quos non *Iudei sed Ecclesia pro canoniciis habet*. »

c) Declarant ipsi illi Patres orientales, in primo ordine quem secundum archetypum censionis hebraicae ab Origene exhibitae appellant *canonem*, eos solos libros se comprehendere voluisse, qui a nomine in quæstionem vocati sint, « de quibus plena est persuasio, » ut ait Athanasius; « qui sunt apud omnes in confessio (ὁμολογουμένοι), » ut est apud Cyrilum et in Synopsi Athanasiāna; « qui definito iudicio inserti » (ἰγράπτω), ut apud Nazianzenum; « quorum certissimus canon, » ut apud Amphiliochium; qui sunt libri certi in oppositione ad *dubios*, ut apud Hieronymum.

d) Res extra omne dubium ponitur ex modo, quo Patres hi omnes libris quos ponunt extra canonem, usi sunt tamquam ad sacram *Scripturam* pertinentibus ex communi Ecclesiae persuasione. Vide supra th. X.

2nd *Principium* sequitur ex antecedenti. Canones huiusmodi habent quidem propositum excludere a censu *Scripturarum sacrarum* libros apocryphos; at libros secundi ordinis, ἀντιλεγομένων, ecclesiasticos et lectos in *Ecclesia* minime excludant velut *certe et definita sententia* non pertinentes ad s. *Scripturam*. Excludentes ergo locutiones additæ libris in solemni numero *viginti duorum* comprehensis, quando dicunt « in his *solis* esse doctrinam pietatis, » « hos *solos* esse genuinam *Scripturam*, » « hos *solos* a fidibus esse legendos, » intelligi debent in oppositione ad libros *apocryphos*, non ad libros *secundae classis*, qui nondum eliquatæ quaestione erant dubii (2).

(1) Nazianzeni ἕγχριον prorsus idem significat ac ἐνδιαθέτων apud Eusebium et alios; ἐνδιαθέτων autem est ex demonstratis idem ac ὁμολογουμένον, nec adhibetur nisi de libris *citra controversiam* in canone positis. Multo melius antiqua versio Billii habet « certum numerum » quam nova Caillavii, qui perperam interpretatur « selectum numerum », ac si graece esset ἔχειν.

(2) Nomen hoc dientur *libri controversi*, ἀντιλεγομένοι, ἄντιλεγομένοι, accipi potest duobus sensu generico significat omnes libros a quibusvis etiam a solis haereticis velut *Scripturas sacras adoratores* et inter ὁμολογουμένου; non comprehensos, adeoque significare potest

Constat id a) ex ipsa natura diversitatis inter libros certo dicinos, inter dubios, seu potius divinos habitos ex communi ecclesiastica consuetudine, qui tamen in dubium vocabantur a nonnullis, et inter certo non dicinos. Constat b) ex praxi horum ipsum Patrum, qui frequentissime hisce libris utebantur ut Scripturis divinis, non secus ac proto-canonicis. Constat c) ex diserta Patrum declaratione in his ipsis catalogis, in quibus scopum sibi propositum esse aiunt praemunire fideles contra libros apocryphos, qui undique ab haereticis obtudebantur.

Quapropter inter canonem completum et canones illos deficientes non est oppositio contradictionis, sed diversitatis tantummodo, sicut inter perfectum et perficiendum suque tempore supplendum. Ita Cassiodorus commemoratis diversis indicibus incompletis Hilarii, Epiphani, Hieronymi, Rufini ex una parte et canone completo codicim ecclesiasticorum atque Augustini ex parte altera, verissime animadvertis: « Patres non contraria dixerunt sed diversa, ut non impugnare sed invicem se potius exponere videantur; » sicut etiam inter definitiones Conciliorum diversitas est, sed nulla contradicatio. Divin. institut. c. 14. Pariter absque contradictione Concilium Trullanum suspere et secundum illud Graeci in suum Corpus Iuris inservere potuerunt una serie canones diversos, incompletum Concilii Laodiceni et completum Conciliorum Africanorum (in Nomocan. Photii apud Mai Spicil. Rom. T. III. P. II. p. 131.), ut scilicet unus suppleretur per alterum.

3^{um} Principium consequitur pariter ex primo. Quando aliqui Patres, ut Hieronymus et Rufinus, dicunt hos libros

etiam libros apocryphos, quibus contradicunt universim ab Ecclesia catholica; sensu specifico proprium est libris secundae classis, quandom scilicet de illis intra fines Ecclesiae fuit aliqua controversia. Ita Eusebius III. 25. post enumeratos libros tum specifico sensu ἀντιλεγομένους tum libros apocryphos concludit: « hi omnes fuerint inter controversos ταῦτα μη πάντα των ἀντιλεγομένων ἴν. De apocryphis intelligendus videtur Cyrillus catech. IV. n. 34, ne sibi ipsi et consuetudini totius Ecclesiae, etiam Hierosolymitanae contradicat, quando ait: « qui ignoras διαλογουμενα, quid frustra laboras circa controversos libros » πάπι τα ψηφιζαλλομενα.

secundi ordinis legi quidem ad aedificationem plebis, non tamen proferendos esse ad auctoritatem fideli confirmandam; id intelligi debet non ideo dictum, quod de eorum inferiori auctoritate iam constaret, sed quod ea aetate nondum omnibus constabat de pari auctoritate cum ceteris libris Scripturae. Erant igitur isti libri etiam tum praxi universalis Ecclesiae satis confirmati, ut tuto tamquam *Scriptura sacra* et *cloquia Dei* et *oracula Spiritus Sancti* ad fideles profiri possent; non tamen erant apud omnes extra controversiam ita, ut polemice etiam adversus contradictores eadem firmitate possent adhiberi. Patet hic sensus tum ex propria ratione libri, qui in quaestione vocatus est, utrum certo sit liber Scripturae inspiratae, et qui proinde sit ἀντιλεγόμενος seu controversus, tum evidentissime ex modo quo iudicem illi PP. his libris usi sunt etiam ad dogmata confirmanda. Cf. supra p. 412. 414. 417.

Hinc non est mirum, Patres etiam eos qui ipsi hos libros sine dubitatione inter Scripturas habebant, tamen in eorum usu polemico aliquam cautionem commendasse, quamdiu res nondum undequaque liquida erat nec solemne de ea iudicium latum. Ita Augustinus fatetur, ut paulo ante vidiimus, «adversus contradictores non tanta firmitate proferri, quae scripta non sunt in canone Iudaeorum » Civ. Dei XVII. c. 20. n. 1. (1). In ipso illo loco (de Doctrina christ. I. II. c. 8. n. 12.), ubi exhibet iuxta consensum Ecclesiarum Africæ immo totius Ecclesiae latinae canonem librorum sacrorum, simul tamen indicat, non ubique aqualem esse de li-

(1) Immerito huc etiam trahi videtur illud, quod habet Augustinus Retract. I. I. c. 10. n. 3. de libro Ecclesiastici. « Video, non recte appellaſſe verba prophetica, quibus scriptum est: quid superbis terra et ciinis; quia non in eius libro legitur, quem certi siuus appellandum esse prophetam. » Cum verba scilicet non sint propheta futuri, posseſſent dicti prophetica ex munere prophetico scriptoris, de quo non constat. Librum autem Ecclesi. computandum esse inter propheticos, quia in auctoritatem recipi meruit, seu quatenus liber est inspiratus, testatur de Doctrin. Christ. I. II. c. 8, nee illud corrigit in Retract. I. II. c. 4. n. 2, quamvis ibi retractet, quod eo loco operis de Doct. Christ. dixerat de scriptore Ecclesiastici, quasi idem etiam scripsisset librum Sapientiae. Vide supra p. 429.

bris omnibus consensum et ideo, quamdui is maneat status quaectionis, esse aliquod discrimin observandum in usu polemico et dogmatico « Scripturarum canonitarum, » ut solers indagator « eas quae ab omnibus accipiunt Ecclesiis catholicis, preeponat eis quas quaedam non accipiunt; in eis vero quae non accipiunt ab omnibus, preeponat eas quas plures gravioresque accipiunt, eis quas pauciores minorisque anctoritatis Ecclesiæ tenent. »

S. Augustinus nomine *Scripturae canonicae* nihil umquam aliud intellexit quam libros divinitus inspiratos et ideo auctoritatis prorsus divinae, in qua non possunt esse gradus, at unus liber *canonicae Scripturae* maioris, alias inferioris auctoritatis censeatur. Deus ipse, inquit, « Scripturam condidit, quae canonica nominatur, eminentissimæ auctoritatis » Civ. Dei XI. 3. « Ita sibi omnia in *canonica auctoritate* concordant, ut tamquam uno ore dicta iustissimæ et prudentissimæ pietate credantur » contr. Faust. XI. cc. 5. 6. cf. ep. 82. (al. 19.) n. 3. ad Hieronym.

Quando igitur ex loco citato (de Doctr. christ. II. c. 8. n. 12-14.) opponitur trita difficultas: Augustinus inter libros ipsos quos appellat canonicos, discernit alios maioris alios inferioris auctoritatis; responderi debet distinguendo. Discrimen agnoscit in auctoritate insita *librorum canoniconum*, ita ut aliquos eorum minoris auctoritatis esse, et tamen *libros canonicos* appellari posse existimaverit, *nego*. Constat ratio negationis ex paulo ante dictis. Discrimen indicat in modo, quo libri canonici innotescant, *subdistinguo*: quasi ipsi Augustino non satis innotuerint ut canonici libri omnes quos enumerat, aut non consentiens et constans esset Traditio Ecclesiæ Africæ et Ecclesiæ occidentalis universæ, *nego*; discrimin in modo, quo libri alii omnium consensu, alii non sine aliquorum tum adhuc obtinente contradictione innotescabant, Augustinus indicat *historice* et ad usum *polemicum*, *concedo*.

Ratio huius negationis et concessionis patet ex ipsa lectione loci Augustini. Monet imprimis, ut solers indagator *divinarum Scripturarum* legat totas Scripturas, « dumtaxat eas quae appellantur *canonicae*. » Proponit deinde totum

canonem Scripturarum complectentem libros omnes et solos, quos nunc adhuc habemus in canone Ecclesiæ catholicae. Concludit: « in his omnibus libris timentes Deum et pietate mansueti quaerunt voluntatem Dei. » Testatur igitur Augustinus, hos omnes libros esse positos in *canone Ecclesiæ*, esse *Scripturas canonicas*, quae appellatio non est ambigua, sed certa et rata significatiōne designat « *Scripturas eminentissimæ auctoritatis*, » ut constat ex dictis. Nihilominus quia novit s. doctor excitatas alicubi dubitationes de nonnullis ex his libris, utrum sint *canonicae Scripturae*; ipse nec voluit nec potuit haesitationem et dissensionem illam quamdui in Ecclesia tolerabatur, velut haereticam condemnare. Unde in eo quaectionis statu fatendum sane erat, libros alicubi minus certos « non tanta firmitate adversus contradictores proferri. » Qua de re solers *Scripturarum* indagator monendum erat et docendus. « Tenebit igitur hunc modum in *Scripturis canonicis*, ut eas quae ab omnibus accipiunt Ecclesiæ catholicis, preeponat eis quas quaedam non accipiunt » etc.

Ex isto contextu simul patet, hoc loco sicut alibi (contr. ep. Manich. n. 6. et saepe contr. Faust.) constitui ab Augustino principium, *Scripturas canonicas* nonnisi auctoritate Ecclesiæ catholicae cognoscendas et suscipiendas esse. Quo principio Augustini et reliquorum Patrum admisso iam pridem omnis de libris deutero-canonicis dubitatio sublata et causa finita est; utinam aliquando finiatur et error. Cf. th. IX. n. I.

Partim ad hanc ambiguitatem indicandam, quae aliquando fuit inter doctores orientales, partim eo sensu, quo Augustinus loco superiori citato Machabaorum libros seiuinxit a canonico *Scripturis*, potuit adhuc Gregorius M. Moral. l. XIX. c. 21. n. 34. eosdem libros Mach. distinguere a *Scripturis canonicis*, ubi citans factum Eleazari ex 1. Mach. VI. 46. ait: « non inordinate agimus, si ex libris licet non canonicis sed tamen ad aedificationem Ecclesiæ editis testimoniū proferamus. » Certe in Ecclesia Romana post decreta præsertim Innocentii, Gelasii, Hormisdæ dubium nemini esse poterat, libros Mach. esse inter canonicos Ec-

clesiae; non tamen erant inter *viginti duos* in canone Hebraeorum, unde poterat Gregorius adhuc munere Apocrisiarii Constantinopoli fungens, cum haec scriberet, distinctionem orientalium, Hieronymi et Rufini prae oculis habere, et nomen *libri canonici* eo quo ab illis factum erat, sensu usurpare.

THESES XIV.

Expediuntur difficultates, quae ex scriptoribus sequioris aetatis produci solent.

* Si qui scriptores ecclesiastici inde a saeculo VI. et doctores scholasticci ante Concilium Tridentinum libros deuterocanonicos adhuc extitunt numerare videntur, ii vel solum historie referunt veterum sententias; vel distinguunt canones Hebraeorum a complexo Scripturarum sacrae in Ecclesia; vel permitto aliquicunque qui doctoris sententias indicant, ante definitivum iudicium nondum penes omnes certo constituisse de pari horum librorum cum protocanonice auctoritate. Generatim vero totius huius questionis ea est ratio, ut in triplici suo studio necessitatem quidem demonstret infallibilis Ecclesiae in custodiendo deposito, non artem (quod Ecclesiae hostes dixerint) necessitatem novae revelationis ad canonom Trientinum constituentem. *

Complanatis difficultibus, quae ex PP. IV. et V. saeculi (addito Gregorio M.) opponi possent, superest, ut pauca subiungamus de scriptoribus ecclesiasticis sequioris aetatis. Reperintur enim ex iis aliqui, qui fere referunt catalogos, quos penes Athanasium, Nazianzenum, Epiphanius, Hieronymum legerant. At ea est relatio historica potius status quaestionis ut fuerat IV. et V. saeculo, quam testimonium de dissensione adhuc horum scriptorum tempore permanente, licet fateamur etiam tum quaestionem sententia definitiva et ab universa Ecclesia necessario tenenda nondum fuisse terminatam, vel potius ut terminatam nondum omnibus innotuisse; unde fit, ut sequiori adhuc aetate fere usque ad Concilium Tridentinum vestigia aliqua antiquae haesitationis apud nonnullos doctores superesse potuerint.

I. Ad hos quos dicimus enarratores historicos, pertinent Iunilius Africanus saec. VI. (de Partibus div. leg. I. c. 3-7. Galland. T. XII. p. 79); Leontius Byzantinus

saec. VII. (de Sectis Act. 2. Galland. ib. p. 627.); Ioannes Damascenus saec. VIII. (de Fide orthodoxa l. IV. c. 17.); Nicephorus Constantinopolitanus saec. IX. (in Stichometria post Chronographiam edita a Goario Paris. 1652. p. 419. et a Pithoeo in Codice canonum p. 348.).

Iunilius sua didicit Constantinopoli a Paulo quodam gente Persa ex schola Nissibena. In divisione generica concurrit cum s. Hieronymo et aliis supra citatis Patribus saeculi IV. Distribuit libros omnes quoad auctoritatem in tres classes. In prima classe sunt libri auctoritatis perfectae, qui unanimi consensu et quoad V. T. etiam ab Hebreis suscepti sunt, appellanturque canonici. In altera classe ponuntur libri auctoritatis mediae (1), qui a pluribus iunguntur cum canoniscis, non tamen ab omnibus in pari auctoritate habentur, a quoniam apud Hebreos quoque super hac differentia recipiebantur, sicut Hieronymus ceterique testantur. * Tandem a nullius auctoritatis sunt libri apocryphi. At vero in distributione speciali singulorum librorum Iunilius singularis est ita et manifesto falsus, ut non solum a sua Ecclesia Africana sed etiam ab aliis omnibus doctribus dissentiat, nec ullus unquam sive ante sive post ipsum simile quidquam dixerit. Collocat inter libros mediae auctoritatis h. e. inter ἀντλιαγμένους non modo Iudith (2), Esther, duos Mach., Sap.; sed etiam duos Paralipomenon, Iob, duos Esdrae, Canticum Canticorum, qui posteriores omnes sunt in canone Hebraeorum et inter ἀναλογούμενους. Contra vero Ecclesiasticum Iesu filii Sirach adnumerat canoniscis primi ordinis, quod aequo ceteris huius divisionis auctoribus repugnat. Potest itaque Iunilius testis esse de divisione librorum in tres classes apud PP. nonnullos IV. et V. saeculi, ad quos appellat, et de sensu huius divisionis, quae ceterum aliunde satis perspecta habemus; at quoad distributionem singulorum librorum nullius est frugis.

(1) Simile aliquid est in Amphiliochii iambis ad Solene. v. 255, ubi praeter Scripturas primi ordinis et canonicas appellantur alias mediae et alias spuria τινες παν ἐψησαι, ἡ δὲ αὐτὸν.

(2) Liber Tobiae omissus est, ut equidem non dubito, errore librarii; nam paulo post l. II. c. 9. Iunilius diserte eum allegat cum Dan. ut Scripturam sacram.

Leontius libros N. T. omnes quidem recenset; ex V. T. autem nonnisi 22. qui sunt apud Hebraeos, omittens cum Athanasio, Nazianzeno aliisque librum Esther. Satis vero indicat suum consilium, non omnes Scripturas Christianorum sed in V. T. solos libros ab Hebraeis etiam admissos enumerandi. Refert enim hunc canonem, ubi aggreditur confutationem Iudeorum, ita concludens recensionem. « Veteris Testamenti hos libros omnes recipiunt Hebrei. Quae cum ita sint, deceat Hebraeorum dogmata primum expondere etc. »

Damascenus fere transcrit verba Epiphanii, ubi hic (de ponder. et mensur. n. 4.) recenset libros, quos Iudei in arcam sive, ut loquitur Tertullianus, suum in armarium admiserunt. Pariter *Nicephorus* libros omnium trium classium V. T. *τεκνονομους*, *ἀντιλεγομενους*, *ἀποχρυσους* deumpsit ex Synopsi Athanasiana; in N. T. autem transcripsit catalogum Nazianzeni, Cyrilli, et Concilii Laodicensi, in quo Apocalypsis omittitur. Neque igitur Damascenus neque Nicephorus, qui ambo scripserunt post Concilium Trullanum, possunt censeri statum quæstionis exhibere, ut erat in Ecclesia graeca VIII. et IX. saeculo. Sed alter quidem ex Epiphania recenset libros, ut sunt apud Hebraeos; alter vero historice refert librorum divisionem, ut erat consignata ab illis doctoribus saeculo IV. et V. Quis enim, ut de aliis nihil dicam, in animum inducat, adhuc IX. saeculo Apocalypsin in dubium vocatam fuisse, seu potius neque inter libros dubios numeratam? Quia scilicet Nicephorus eam non reperit in catalogis deficientibus IV. saeculi quos transcritbit, etiam ipse historicus fidelis eam omittit; sicut vicissim in V. T. describit libros omnes, ut eos invenit in suo auctore notatos velut controversos aut apocryphos, licet inter hos sint aliqua monstra nominum, de quibus saeculo IX. nemo amplius erat sollicitus.

II. Specialem aliquam explicationem postulat vetustiorum Scholasticorum et scriptorum medii aevi modus sentendi et loquendi quoad hoc caput doctrinae. Generatim eos inhaesisse universali usui Ecclesiae et disertæ doctrinae, ut explicite proposita est in Conciliis Africanis, a s. Au-

gustino et aliis Patribus, et in decretis Romanorum Pontificum, iam demonstravimus in thesi XI. Nihilominus auctoritate potissimum s. Hieronymi factum est, ut plures sequerentur modum eius loquendi de *canone* tamquam complexu eorum tantummodo librorum, qui etiam ab Hebraeis admissi essent. Inde vero singuli aliqui magistri in suis lucubrationibus et intra scholæ cancellos, ubi intendeant distinguere, quid stricte loquendo ad fidei iam tum definita dogmata pertineret, quid licet doctrina communis, supremum hunc gradum non attingeret, anticipes se esse monstrabant de ipsa horum librorum pari cum canoniciis primi ordinis auctoritate usque ad tempora fere Concilii Tridentini. Post decretum autem Tridentinum, eoque magis post solemnem eius declarationem in definitione Concilii Vaticanani (Const. I. cap. 2. can. 4.) penes catholicos iam nullus dubitationi locus esse potest.

Itaque scriptores illi mediae aetatis, qui libros penes Hebraeos non admissos videntur adhuc numerare extra canonem, fere unice pendent ex sententiis s. Hieronymi, ad cuius prologos plerique diserte appellant, ubi s. doctor hos libros dixit apocryphos, qui proferendi non sint ad fidei dogmata confirmanda. Dividi autem possunt illi magistri in duplum classem.

1º. Plerumque ea quae legebant apud s. Hieronymum, componebant cum communi Ecclesiae doctrina et praxi ita, ut nomine *canonis* secundum genuinum Hieronymi et aliorum PP. sensum intelligerent canonem librorum, qui sunt etiam penes Iudeos; unde recte docebant alios libros non quidem in canone esse, sed tamen ab Ecclesia inter sacras Scripturas acceptos fuisse.

Ita saec. XII. *Petrus Blessensis* supra citatus p. 434.

Petrus Cluniacensis cognomento Venerabilis distinguit quidem modum probandi libros Scripturae V. T. quod, qui erant in canone Iudeorum, non solum Traditione Christianorum sed etiam codicibus et testimonio Iudeorum, alii vero auctoritate Ecclesiae demonstrantur. Priores et non solum Christianis sed et ipsis Iudaicis litteris attestantibus... paris auctoritatis sunt.... Restant post hos authenticos

s. Scripturae libros sex non reticendi libri, Sapientiae, Iesu filii Sirach, Tobiae, Iudith, et uteque Machabaeorum liber, qui etsi ad illam sublimem praecedentium dignitatem (quoad testimonia quibus probantur) pervenire non potuerunt, propter laudabilem tamen et perquam necessariam doctrinam ab Ecclesia suscipi meruerunt... quod si, sicut Iudeis de Moyse Christus dixit, eius Ecclesiae non creditis, quomodo verbis meis creditis? Pet. Cluniac. contr. Petrobrusian. Bibl. Max. PP. T. XXII. p. 1044.

Petrus de Riga in manu scripta Paraphrasi metrica V. et N. T. (apud Hodium p. 655) ait: « sed licet excepti (ex canone), tamen hos authenticat usus Ecclesiae, fidei regula, scripta Patrum. » Similiter Ioannes Beleth in Explicat. divisor. officior. c. 60. fol. 339. (ed. Venet. 1577, cum Rationali Durandi) primum numerat 22 libros, qui a Iudeis quoque habentur « authenticati, » inter quos recenset etiam Iudith. Tum sequitur: « quatuor tandem enumerant apocrypha, librum videlicet Tobiae, Machabaeorum, Philonis cuius principium est Diligite iustitiam (i. e. librum Sapientiae), et Iesu filii Sirach, appellaturque etiam Ecclesiasticus. Verum hos quatuor quidam non recipiunt, Ecclesia tamen eos approbat, quod argumentum fere habeant librorum Salomonis, etiam si corum auctores pro certo ac vere non sciat (1). Alios duos credimus Esdram compositisse » (2).

Eodem modo nomen apocryphorum, quod legitur in Prologo galeato s. Hieronymi, explicant alii, e. g. Petrus Comestor in Historia Scholastica: « apocrypha sunt, quod auctor ignoratur eorum; sed quod de veritate non dubitatur, ab Ecclesia recipiuntur. » Vide supra p. 433. 434. Ipsi Comestoris verbis saec. XIII. utitur Hugo a. S. Charo in explicatione Prologi galeati (initio Postillae in II. Reg.) et alibi, iisdem Iohannes Ianuensis (apud Hodium p. 657.). Ex manuscripta

(1) Manifesto absurdum est horum verborum paraphrasis, ut citantur ab Hodio p. 655: « Hos quatuor non recipit Ecclesia, tamen authenticati, etsi eorum auctores nesciat, quia sententiam librorum Salomonis tenent. »

(2) Vides, etiam hunc scriptorem libros deuterocanonicos immiscere sine distinctione auctoritatis inter protocanonicos, ad quos certe pertinent libri Esdrae.

Postilla Hugonis in 1. Ios. refert Hodius versiculos: « Hi quia sunt dubii (sensu explicato quoad nomen scriptoris), sub canone non numerantur; sed quia vera canunt, Ecclesia suscipit illos. » In eundem sensum explicari debet Hugo Victorinus (saec. XII.), qui in l. de Scriptur. et scriptor. ss. c. 6. (inter Opp. Richardi Victorini T.I. fol. 186.) simpliciter recitat verba s. Hieronymi, ceterum vero libris deuterocanonicis utitur sine discrimine ut Scriptura sacra.

2°. Negari tamen non potest, aliquos ex magistris scholae ob s. Hieronymi sententias ante definitionem Concilii Tridentini accipites haesisse, et videri tribuisse hisce libris inferiori gradum auctoritatis quam iis, qui sunt in canone Hebraeorum, ut saec. XII. Iohannes Sarisburiensis ep. 172. (Bibl. Max. PP. T. XXIII. p. 468.); Radulphus Flaviaciensis in Lev. l. XIV, praefat. (ibid. T. XVII. p. 177.) in multis fere sequens Iunilium Africanum; saec. XIV. Okam in Dialogo P. III. Tract. l. 1. c. 16, in quo alioquin sunt multa erronea (in Monarchia Goldasti T. II. p. 834.). Ambigue loquitur Lyranus praefat. in Tob., ubi tamen videtur posse explicari ita, ut hos libros solum sub inferiori gradu inspirationis scriptos esse censuerit, sicut Iudei docent de hagiographis. Difficilia pariter sunt, quae habet adhuc saeculo XV. s. Antoninus in Summa theolog. P. III. titul. 18. c. 6. §. 2. Tostatus in Matth. praefat. q. 2. negat quidem irrefragabilem deuterocanonicorum librorum auctoritatem; alibi vero (in II. Reg. praefat. qq. 28. 29.), ubi data opera explicat Prologum galeatum s. Hieronymi, clarissime samum tradit doctrinam. Postremo Caietanus saeculo XVI. paulo ante Cone. Trid. in fine Commentarii in l. Esther ea habet, quae post Concilium nemini catholico fas esset sentire aut docere (1).

Summa itaque totius causae haec est. Doctores medi

(1) Ubi in Cone. Tridentino postulabatur sanctio anathematis adversus eos, qui omnes libros pro sacris et canoniciis non recipieren, inter auctores catholicos quorum audacia accusabatur, nominatio etiam Caietani mentio facta est. Maior pars Patrum indicabat, anathema esse addendum « a fin di comprimerre l'ardimento contrario d'alcuni Cattolici, fra cui numerarsi ancora il Gaetano e Pallavic. l. VI. c. 11. n. 8,

aevi habuerunt hos libros omnes inter ss. Scripturas, eosdemque viderunt in ecclesiastico usu et in ipsis catalogis quos saltem ex Augustino et collectionibus canonum novaverunt, indiscriminatim susceptos. Simul vero cum eis obversarentur sententiae quorundam Patrum maxime s. Hieronymi de differentia canonis hebraici, alii quidem iisque plurimi, ut res ipsa postulabat, ex Ecclesiae ipsius sensu satis manifestato difficultatem componebant; aliis tamen usque ad solemnum Ecclesiae definitionem nondum satis constare videbatur de pari cum protocanonicis auctoritate eorum librorum, quos extra canonom hebraicum et apocryphos a tanto doctore dictos esse videbant. Et sane ex concessione gravissimorum etiam doctorum illius aetatis apparebat, rem nondum ita liquidam et omnibus satis propositam fuisse, ut citra fidei discrimen in dubium vocari non potuerit. Ita s. Thomas 1. q. 89. a. 8. ad 2. ait, apparitionem Samuelis (1. Reg. XXVIII. 12. sq.) posse explicari sensu proprio ex operatione et revelatione divina, ut appareat ex Ecclesi. XLVI. 23; et vel illa apparitio, inquit, fuit procurata per daemones, si tamen Ecclesiastici auctoritas non recipiatur propter hoc, quod inter canonicas Scripturas apud Hebreos non habetur. Cf. August. I. de cura pro mortuis gerenda c. 15. n. 18.

III. Ex omnibus quae in hac et in antecedentibus thesibus dicta sunt, manifestum est triplex stadium, quod in explicatione dogmati de divinitate librorum deuterocanoniorum V. T. distingui potest: a) simplicis fidei et susceptionis librorum in usu et praxi Ecclesiae usque ad initia IV. saeculi; b) ortae deinde ex comparatione Scripturarum Ecclesiae cum canone hebraico inquisitionis et haesitationis penes doctores praesertim in Ecclesia graeca saec. IV. et V, quae paulatim, ad perseverantem usum Ecclesiae antecedentibus decretis Conciliorum Africae, Pontificum Innocentii I. et Gelasii, desit quidem in consensionem moraliter universalem, non tamen ita, ut adhuc media aetate non remanerent vestigia prioris controversiae. c) Sequitur denique solemnis definitio ac iudicium, quo controversia omnis terminatur et dissensio inter catholicos excluditur. Huc transferenda omnino sunt, quae de triplici studio in explicatione

dogmatum quorundam praeante Augustino diximus in Tractatu de Traditione th. XXIII. n. IV.

Ex demonstratis satis etiam constat, non nova profecto revelatione opus fuisse ad horum librorum divinam inspirationem et auctoritatem definendam; sed iudicium versatum esse circa Traditionem apostolicam, cuius indicia, monumenta, et documenta extant quam plurima inde ab aetate apostolica vel Apostolis proxima. Nihilominus tamen ea est inter catholicos aliquos doctores per plura saecula ambiguitas, ut, quamvis Protestantes reiicientes hos libros intollerabilis temeritatis convinci possint etiam ex solis monumentis Traditionis, plena tamen nostra securitas et exclusio cuiusvis dubitationis innitat Ecclesiae infallibili-
tati in discernenda genuina Traditione apostolica.

In thesis totius huius capituli studiuimus non modo statuere principia, sed etiam exponere speciales declarationes ad solutionem omnium difficultatum, quas contra Traditionem apostolicam librorum deuterocanoniorum Protestantes ac prae ceteris Humfridus Hodius (De Bibliorum textibus originalibus) coacervarunt. Mirum vero est, quod Leibnitium non puduerit easdem velut demonstrationes refricare in ep. 31. ad Bossuetum (Opp. Leibnitii ed. Dutens T. I. p. 626. sq.). Compendiaria responsio Bossueti videri potest ibidem ep. 37. p. 657. sq.